



## Publicaziuns officialas dils 31-08-2018

---

### **Adattaziun dil scamond general da far fiug el liber**

La plievgia dils davos dis ha sluccau empau il prighel da fiug. Ord quei motiv ha la suprastonza communal decidu d'adattar il scamond general da far fiug el liber.

Naven d'immediat vegn il scamond restrenschiu sin in *scamond absolut da far fiug egl uaul ed ella vischinonza digl uaul*.

Bien engraziament per Vies bien cumpurtament duront la perioda da grond prighel da fiug. En cass d'incendis eis ei adina da telefonar alla numera 118.

### **Anpassung des generellen Feuerverbots im Freien**

Die Niederschläge der letzten Tage haben zu einer Entspannung der Gefahr von Flurbränden geführt. Aus diesem Grund hat der Gemeindevorstand entschieden, das generelle Feuerverbot im Freien anzupassen.

Ab sofort wird das Verbot auf ein *absolutes Feuerverbot im Wald und in Waldesnähe* beschränkt.

Im Umgang mit Feuer im Freien ist nach wie vor grosse Vorsicht angebracht. Raucherwaren und Feuerzeuge dürfen keinesfalls sorglos weggeworfen werden. Im Brandfall ist unverzüglich die Feuerwehr über die Notfallnummer 118 zu alarmieren.

Sumvitg, 31-08-2018

*Suprastonza communal Sumvitg*

### **Revisiun totala dalla planisaziun locala**

#### ***Retscherca dil pievel***

Entras la revisiun dalla lescha davart la planisaziun territoriala ch'ei ida en vigur ils 1 da matg 2014 ei il plan directiv cantunal vegnius adattaus tier ils secturs dalla politica da planisaziun dil territori (capetel 2) e habitadi (capetel 5) (KRIP-S). Il decret dall'adattaziun dil plan directiv ei succedius entras la Regenza dil cantun Grischun ils 20 da mars 2018.

Muort l'adattaziun dil plan directiv ha la vischnaunca d'adattar sia planisaziun d'utilisaziun allas cundiziuns surordinadas.

En in εμπrem pass envidein nus tuttas personas dalla vischnaunca da Sumvitg da separticipar vid la retscherca dil pievel. Nus supplichein da separticipar alla retscherca cun il suandont link: <https://www.umfrageonline.ch/s/sumvitg>. Secapescha saveis Vus era far part alla retscherca cun in questiuinari en fuorma da pupi. Il questiuinari ei disponibels sin nossa pagina d'internet [www.sumvitg.ch](http://www.sumvitg.ch) e sa plinavon vegnir retratgs tier l'administraziun communal.

Per damondas stat l'administraziun communal bugen a Vossa disposiziun.

Sumvitg, 31-08-2018

*Suprastonza communal Sumvitg*

## **Scamond d'encurrir bulius**

Sebasond sils art. 11 e 12 dall'ordinaziun cantunala davart la protecziun dalla natira e dalla patira ei en special da risguardar las suandontas restricziuns:

- Egl interval dils 1 entochen e cun il 10avel di da mintga meins eis ei scumandau d'encurrir bulius da tuttas specias.
- Il quantum maximal ch'astga vegnir rimnaus per persuna e per di munta a maximal 2 kg da tuttas specias.
- Igl ei scumandau da rimnar bulius en gruppas da pli che treis persunas.
- Il diever d'utensils per rimnar bulius ei scumandau.

Nus supplichein da respectar quellas disposiziuns ed engraziein per Vossa capientscha.

Sumvitg, 31-08-2018

*Suprastonza communal Sumvitg*

## **Preavis/Invitaziun**

**Venderdis, ils 7 da settember 2018** ha liug allas 20.00 en sala dalla casa da scola a Sumvitg la radunonza da fundaziun dall'uniun SumvitgViva. L'uniun vegn fundada per promover il svilup dil vitg da Sumvitg e da ses uclauns. Sco cuminonza dil vitg lessan nus s'engaschar per in svilup persistent da nies vischinadi. Mintgina e mintgin ei zun beinvegnius a quella occasiun. Cordialmein envida *il comité d'iniziants*

## **Societad da musica Sumvitg/Cumpadials**

### **Preavis**

En dus onns exista la Societad da musica Sumvitg/Cumpadials gia dapi 125 onns. Ord quei motiv organisescha la societad da musica ina fiasta per in e scadin. La fiasta ha liug ils **12-14 da zercladur 2020**. Bien engraziament per l'enconuschientscha e sin seveser. Societad da musica Sumvitg/Cumpadials

## **Uniun samaritana Sumvitg-Trun**

Caras samaritanas e cars samaritans, la pausa da stad va a fin... e nus selegrein d'annunziar a vus nies proxim exercezi. Quel ha liug **gliendisdis, ils 3 da settember 2018** allas 20.00. Tema: Cass urgents sil plaz da termagliar. Serimnada: sin la piazza da giug a Trun. Nus supplichein da sevestgir adequat all'aura e da prender ina cazzola da sac. Bugen beneventein era ulteriuras persunas che s'interesseschan per quei tema. Suenten in exercezi intensiv in tec pli cuorts envidein nus vus ad ina grillada. Ensemen cun nossa scolasta Martina havein nus plascher da seveser cun vus! *Cordials salids la suprastonza*

## **Annada 1934 dalla vischnaunca Sumvitg**

Nossa sentupada ha liug **gievgia, ils 6 da settember 2018** allas 11.00 ell'ustria dil hotel «Greina» a Rabius. S'annunziar entochen ils 2 da settember per telefon, 081 943 25 00 ni 081 943 14 04. Ils organisaturs selegran da stedia participaziun.

## **Menu dalla tatta**

Cun spisas tradiziunalas / mit althergebrachten Gerichten:

### **Sonda, ils 8 da settember 2018:**

Ustria dalla Staziun, Sumvitg/Cumpadials

### **Dumengia, ils 30 da settember 2018**

Ustria Cruna, Sumvitg

Reservaziuns directamein ell'ustria giavischada.

Bien appetit giavischa Sumvitg Turissem

Sumvitg, 31-08-2018

*Sumvitg Turissem*

## **Schlangen, Schmetterlinge, Libellen und Co.**

### **Samstag, 8. September 2018, 9–17 Uhr**

Treffpunkt Bahnhof RhB Sumvitg-Cumpadials

Auf der Suche nach kriechenden, hüpfenden und fliegenden Lebewesen. Gemeinsam mit dem jungen Biologen Oliver Dosch begeben wir uns auf die Suche nach Schlangen, Schmetterlingen, Libellen und anderen Getieren, die sich an Tümpeln, Seen und zwischen Geröllsteinen verstecken. Zwischenhalt machen wir am Bergsee Lag da Laus und auf dem Maiensäss Con – dazwischen gilt es, die Ohren und Augen offenzuhalten, ob wir kleine oder grosse Bergmonster orten können. Organisation: Center sursilvan d'agricultura/Academia Vivian. Versicherung ist Sache der Teilnehmer. Mehr Informationen und Anmeldung bis am Freitag, 7. September, 17 Uhr unter 081 936 48 00 oder [info@agricultura.ch](mailto:info@agricultura.ch)

## **Café Zeitlos a Mustér**

Café Zeitlos – in liug da sentupada per personas cun ina demenza, per tierparents ed interessai. In liug per passentar in suentermiezdi emperneivel, per s'informar e s'incuntrar. Ei drova negina annunzia. Il Café Zeitlos ei gratuits ed aviarts per tuts. La consumaziun surpren la PUNTREIS Center da sanadad.

### **Datums per 2018:**

venderdis, 7 da settember

venderdis, 5 d'october

venderdis, 2 da november

venderdis, 14 da december

Dallas 14.00–16.00 en PUNTREIS Center da sanadad, Via Cons 11, 7180 Mustér. Nus selegrein da Vossa viseta!